



PROJEKAT FINANSIRA
EVROPSKA UNIJA



*Empowered lives.
Resilient nations.*

Poziv investitorima za iskazivanje interesa za realizaciju novih investicija u 2018. godini uz podršku projekta „Lokalni integrisani razvoj“

Smjernice za podnosiocce prijava



14. juni 2018. godine

SADRŽAJ

1. INFORMACIJE O POZIVU ZA ISKAZIVANJE INTERESA	3
1.1 Uvodne informacije o projektu „Lokalni integrisani razvoj“	3
1.2 Uvodne napomene o potrebama za podrškom projekta „Lokalni integrisani razvoj“ za realizaciju novih investicija	3
1.3 Ciljevi poziva za iskazivanje interesa i očekivani rezultati	4
1.4 Iznos finansiranja od strane projekta LIR	5
1.5 Pregled jedinica lokalne samouprave.....	6
2. PRAVILA POZIVA ZA ISKAZIVANJE INTERESA.....	6
2.1 Podnosioci prijedloga	6
2.2 Kriteriji za evaluaciju prijedloga	7
2.3 Kategorizacija prihvatljivih troškova.....	8
3. NAČINI PODNOŠENJA PRIJAVA I NJIHOVA EVALUACIJA	11
3.1 Obrazac prijedloga.....	11
3.2. Način iskazivanja interesa.....	12
3.3. Krajnji rok za iskazivanje interesa.....	13
3.4. Dodatne informacije	13
3.5. Evaluacija i odabir.....	13
4. OBAVIJEST O REZULTATIMA POZIVA ZA ISKAZIVANJE INTERESA	16

1. INFORMACIJE O POZIVU ZA ISKAZIVANJE INTERESA

1.1 Uvodne informacije o projektu „Lokalni integrisani razvoj“

Projekat „**Lokalni integrisani razvoj**“ (LIR) je trogodišnja inicijativa (2016.-2018.) koju primarno finansira Evropska unija (EU), a provodi Razvojni program Ujedinjenih nacija (UNDP) u saradnji sa Ministarstvom za ljudska prava i izbjeglice Bosne i Hercegovine (BiH), Ministarstvom razvoja, poduzetništva i obrta Federacije Bosne i Hercegovine (FBiH), Ministarstvom uprave i lokalne samouprave Republike Srpske (RS) i dva entitetska saveza opština/općina i gradova.

Projekat ima za cilj podizanje životnog standarda i povećanje socijalne kohezije u BiH putem inkluzivnog održivog socioekonomskog razvoja. Specifični cilj projekta je stimulacija odgovornog i dobrog upravljanja, ekonomskog razvoja te promocija socijalne inkluzije na lokalnom nivou kroz integrisani lokalni razvoj, prvenstveno u područjima pogođenim poplavama kao i onim s velikim procentom povratnika/interno raseljenih lica. Projekat LIR se implementira u 21 jedinici lokalne samouprave (JLS) u BiH.

U okviru komponente za ekonomski oporavak, projekat LIR će direktno podržati privatni sektor te potencijalne investitore kako bi se povećala cjelokupna **ekonomska aktivnost** u ciljanim zajednicama, **osigurao ekonomski rast kroz produktivnije lance vrijednosti te stvorila nova radna mjesta i prihodi**. Također, projektom se predviđa pomoć i za dugoročno nezaposlene i socijalno isključene kategorija stanovništva (s naglaskom na povratnike, interno raseljene i dugotrajno nezaposlene osobe). Osim toga, projekat planira podržati jedinice lokalne samouprave, u saradnji sa zavodima za zapošljavanje ili centrima za socijalnu pomoć, u realizaciji kvalitetnih i efikasnih programa podrške zapošljavanju kroz javne radove ili slične mjere za zapošljavanje, te na taj način pružiti podršku dugoročno nezaposlenim i socijalno isključenim kategorijama stanovništva u odabranim JLS.

Ovaj poziv za iskazivanje interesa će omogućiti **investitorima koji su zainteresovani za ulaganja u IT sektor u BiH**, da zajedno sa projektom LIR osiguraju realizaciju novih investicija u cilju ekonomskog rasta, stvaranja proizvoda visoke dodane vrijednosti i kreiranja novih radnih mjesta i prihoda.

S tim u vezi, **projekat LIR će podržati realizaciju novih investicionih projekata u IT sektoru** isključivo u partnerskim jedinicama lokalne samouprave (JLS)¹. Prednost pri odabiru imat će projekti koji su izvozno orijentirani te planiraju stvaranje održivih i kvalitetnih radnih mjesta.

1.2 Uvodne napomene o potrebama za podrškom projekta „Lokalni integrisani razvoj“ za realizaciju novih investicija

BiH se već duže vrijeme suočava sa ozbiljnim problemom **nezaposlenosti** koji je posebno izražen kod marginaliziranih te socijalno isključenih kategorija stanovništva. **Stopa nezaposlenosti, prema Anketi o radnoj snazi iz 2017. godine iznosi 20,5%. Stope za marginalizirane i ranjive kategorije, kao što su žene i mladi, su još veće (23,1% za žene, 43.1% za mlade osobe muškog spola i 51,4% za mlade osobe ženskog spola)**². Svako šesto domaćinstvo je siromašno. Više od 50% stanovništva pati od nekog oblika socijalne isključenosti, te se među najugroženijim skupinama nalaze povratnici, Romi, osobe sa invaliditetom, stariji te mlade osobe.

Određeni iskorak u ovom pogledu napravile su JLS koje, u partnerstvu sa relevantnim javnim institucijama i privatnim sektorom, u sve većoj mjeri proaktivno pristupaju rješavanju izazova konkurentnosti i nezaposlenosti te podržavaju projekte koji kreiraju nova radna mjesta. Da bi se dodatno povećala ekonomska aktivnost u lokalnim zajednicama, potrebno je unaprijediti poslovno okruženje koje će stimulisati investiranje u jačanje poslovnih kapaciteta i tehnološko unapređenje malih i srednjih preduzeća (MSP), što će rezultirati kreiranjem novih radnih mjesta.

¹ Spisak partnerskih jedinica lokalne samouprave se nalazi na strani 6.

² Izvor: Anketa o radnoj snazi za 2017. godinu, http://www.bhas.ba/tematskibilteni/TB_ARS%202017_BS_ENG.pdf

S tim u vezi, projekat LIR će kroz projektne fondove za podršku MSP-ovima udružiti raspoloživa finansijska sredstva i finansijska i nefinansijska sredstva podrške od strane odabranih JLS radi sufinansiranja realizacije najperspektivnijih investicionih projekata u IT sektoru.

1.3 Ciljevi poziva za iskazivanje interesa i očekivani rezultati

Osnovni ciljevi ovog poziva za iskazivanje interesa uključuju:

- pospješivanje lokalnog ekonomskog razvoja u BiH kroz pružanje ciljane podrške pravnim licima koja imaju namjeru da investiraju u nove poslovne kapacitete u partnerskim JLS u okviru IT sektora;
- povećanje ekonomske aktivnosti i stvaranje novih radnih mjesta putem realizacije novih investicija u IT sektoru;
- upostavljanje i dalje jačanje odnosa između privatnog sektora i lokalnih zajednica, te afirmisanje značaja privlačenja novih investicija u kontekstu sveukupnog razvoja lokalnih zajednica u BiH.

Podrška projekta LIR u realizaciji investicionih projekata će biti implementirana kroz jedan ciklus tokom 2018. godine. Kroz provedbu navedene podrške u 2018. godini očekuju se sljedeći rezultati:

- uspješno realizirani novi investicioni projekti u partnerskim JLS;
- kreirano minimalno 25 novih radnih mjesta (kumulativno);
- poboljšana produktivnost i konkurentnost unutar IT sektora kroz investicije vezane za nabavku novih tehnologija i tehnološko unapređenje.

Planirani rezultati će biti ostvareni kroz sljedeće aktivnosti:

1. Koordinaciju i jačanje saradnje sa budućim investitorima kroz proaktivan pristup, posredovanje i ostvarivanje zajedničkog djelovanja sa JLS, višim nivoima vlasti te drugim partnerskim organizacijama (zavodi za zapošljavanje, razvojne agencije, privredne komore itd.) kako bi se omogućila realizacija potencijalne poslovne ideje u konkretnu investiciju.

2. Sufinansiranje investicionih aktivnosti kroz:

Prioritetnu oblast 1: Investicije u tehnološko unapređenje preduzeća, unapređenje kvalitete proizvoda, diverzifikaciju proizvodnje i standardizaciju poslovanja i poslovnih procesa

- ulaganje u materijalnu imovinu vezanu uz nabavku novih tehnologija i opreme (npr. novih računara, servera, softvera itd.) za uvođenje novih proizvodnih postupaka, diverzifikaciju proizvoda/usluga ili metoda koje dovode do poboljšanja proizvodnje i proizvoda/usluga veće kvalitete odnosno stepena finalizacije;
- ulaganje u materijalnu i nematerijalnu imovinu vezanu uz novu investiciju proširenja MSP-a (proširenje objekata, rekonstrukcija, nadogradnja itd.);
- diverzifikacija proizvodnje MSP-ova u nove proizvode/usluge (novi proizvodi/usluge, povećanje palete ponude, usavršavanje proizvoda/usluga prema zahtjevu tržišta itd.);
- uvođenje sistema upravljanja kvalitetom i međunarodnih standarda;
- vršenje usluga vezanih uz investicioni projekat od strane vanjskih konsultanata, koje nije vezano uz stalne ili periodične aktivnosti i koje se ne odnosi na uobičajene operativne troškove poduzeća, kao što su rutinske usluge poreznog savjetovanja, redovne pravne usluge ili oglašavanje, već koje su vezane uz projekt ulaganja, proizvod ili tehnologiju razvijenu na temelju ovog javnog poziva.

Prioritetnu oblast 2: Prekvalifikacija i dokvalifikacija novih radnika radi postizanja višeg stepena produktivnosti i stvaranja radnih mjesta

- opće usavršavanje i edukacija nove radne snage MSP-a vezana uz investicije kao i posebno usavršavanje radne snage povezano s nabavkom novih tehnologija, kao što su obuka za korištenje novorazvijene ili integrirane tehnologije ili za rad s novom opremom. Obuka koja je predmet finansiranja treba da osigura stvaranje novih kvalitetnih radnih mjesta, koja osiguravaju dovoljan izvor prihoda, sigurnost radnog mjesta te kvalitetno radno okruženje.

Napomene: Projekat LIR zadržava pravo da ne raspodijeli sva raspoloživa sredstva u 2018. godini i ne pruži podršku u slučaju da kvalitet prijedloga projekata ne ispuni očekivanja i definisane kriterije.

1.4 Iznos finansiranja od strane projekta LIR

Iznosi sufinansiranja od strane projekta LIR po jednom investicionom projektu se kreću od minimalno 30,000.00 KM (bez PDV-a) do maksimalno 66,000.00 BAM (bez PDV-a). Navedena sredstva će se vezati za vlastita sredstva investitora i potencijalnu podršku JLS ili drugih partnera (zavodi za zapošljavanje, razvojne agencije, privredne komore itd.), što će biti precizno definisano tokom naknadnih dogovora predstavnika partnerskih organizacija sa učesnicima projekta. Podnosioci prijave moraju voditi računa da se traženi iznos sufinansiranja od strane projekta LIR vezuje za očekivani broj novouposlenih radnika kroz predloženi projekat, odnosno za 1 radno mjesto iznos podrške od strane projekta LIR iznosi 6,000.00 KM (bez PDV-a), vodeći računa da minimalna podrška iznosi 30,000.00 (KM bez PDV-a), odnosno min. 5 novouposlenih X 6,000.00 KM. Primjera radi, ukoliko podnosilac prijave planira da kroz projekat uposli 7 radnika, od projekta LIR može zahtijevati 42,000.00 KM (bez PDV-a), odnosno 7 radnika X 6,000.00 KM (bez PDV-a).

Važne napomene:


Svi planovi i obaveze koje je investitor naveo u prijavi i koje će biti ocjenjivane tokom evaluacije, su predmet detaljnog praćenja i kontrole. Novčana sredstva koja će biti isplaćena odabranim investitorima će biti uslovljena realizacijom predstavljenih planova i obaveza. Nepotpuna realizacija i odstupanja od plana prezentiranog kroz prijavu može rezultirati u djelomičnom ili potpunom povlačenju novčanih sredstava od projekta LIR. Kao obezbjeđenje realizacije navedenih planova i obaveza u prijavi, projekat LIR će koristiti instrument bankovne garancije, koju će svaki investitor morati dostaviti prije potpisivanja ugovora.

Bankovna garancija treba uključivati traženi iznos sufinansiranja i PDV. Bankovna garancija se treba izdati na period trajanja do 30. aprila 2019. godine. Na primjer, ukoliko je ukupna vrijednost investicionog projekta 320,000.00 KM, gdje projekat LIR sufinansira 42,000.00 KM, bankovna garancija će glasiti na iznos od 42,000.00 KM plus PDV 7,140.00 KM, ukupno 49,140.00 KM.

1.5 Pregled jedinica lokalne samouprave

Svi investicijski projekti koji će biti podržani kroz ovaj javni poziv isključivo moraju biti realizovani u jednoj ili više partnerskih JLS:

1. Banja Luka
2. Bijeljina
3. Čelinac
4. Doboј
5. Foča (RS)
6. Goražde
7. Gradiška
8. Konjic
9. Maglaj
10. Modriča
11. Mostar
12. Novi Grad
13. Odžak
14. Orašje
15. Prijedor
16. Srebrenik
17. Šamac
18. Tuzla
19. Vareš
20. Žepče
21. Živinice
22. Domaljevac-Šamac



2. PRAVILA POZIVA ZA ISKAZIVANJE INTERESA

Pravila poziva za iskazivanje interesa definišu opšte kriterije i zahtjeve koje prijedlozi projekata moraju zadovoljiti kako bi bili razmotreni od strane projekta LIR za sufinansiranje.

2.1 Podnosioci prijedloga

Investitori mogu da podnesu prijedloge investicija **isključivo samostalno**. Prijave više pravnih lica kroz jedan prijedlog neće biti uzete u obzir. **Investitori mogu isključivo biti pravna lica.**

Prilikom pripreme prijedloga investicije, investitori mogu dogovarati partnerstva sa relevantnim institucijama kao što su zavodi za zapošljavanje, razvojne agencije, ponuđači usluga obuke, itd. Potrebno je imati na umu da **isključivo investitor može biti nosilac provedbe projekata, dok svi drugi subjekti mogu biti samo partneri**. To znači da je investitor **odgovoran za realizaciju projekta, uključujući tu i relevantne finansijske obaveze prema projektu**.

Investitori odnosno svi podnosioci investicionih prijedloga trebaju ispunjavati sljedeće kvalifikacijske uslove:

1. Da je preduzeće investitor ostvarilo pozitivne poslovne rezultate u 2016. i 2017. godini;
2. Da redovno izmiruje obaveze po osnovu poreza i drugih davanja, uključujući i one prema uposlenicima (direktni i indirektni porezi);
3. Da imaju već registrovano privredno društvo na području Bosne i Hercegovine (na teritoriji jedne od partnerskih JLS) koje će biti predmet investicije; ili da investitor planira da proširi svoju djelatnost kroz otvaranje poslovne jedinice ili osnivanje novog pravnog lica na drugom lokalitetu, odnosno na teritoriji jedne od partnerskih JLS; ili da investitor ima ugovor o kupovini ili zajedničkom ulaganju u

postojeće privredno društvo na području Bosne i Hercegovine; ili da postoji neki drugi pravno vezujući ugovor koji je osnova za planirano investiranje.

Napomena: Privredna društva koja su nisu registrovana na teritoriji partnerskih JLS, a planiraju da otvore novu poslovnu jedinicu/osnovati pravno lice na teritoriji partnerskih JLS imaju pravo prijave na ovaj poziv.

2.2 Kriteriji za evaluaciju prijedloga

Projekat LIR će uzeti u obzir samo one prijave za investicije koje ispunjavaju sljedeće **obavezne kriterije za odabir**:

- Planirana investicija će odnosi isključivo na IT sektor;
- Planirana investicija će biti realizovana na teritoriji jedne od partnerskih JLS;
- Da preduzeće investitor može obezbijediti finansijska sredstva za sufinansiranje projekta u minimalnom iznosu od 60% ukupne investicije, vodeći računa da traženi iznos sufinansiranja od strane projekta LIR iznosi min. 30,000.00 KM (bez PDV-a), odnosno maksimalno 66,000.00 KM (bez PDV-a), usklađeno sa planiranim brojem novih radnika kako je objašnjeno u sekciji 1.4;
- Predložena investicija će omogućiti proizvodnju proizvoda/usluga sa visokim stepenom dodatne vrijednosti;
- Planirana investicija će u toku trajanja projekta (do 30. novembra 2018. godine) obezbijediti zapošljavanje minimalno 5 osoba u IT sektoru, vodeći računa o usklađenosti sa traženim iznosom sufinansiranja kako je objašnjeno u sekciji 1.4. Npr., ukoliko investitor potražuje 30,000.00 KM (bez PDV-a) od strane projekta LIR, njegov investicioni projekat treba obezbijediti zapošljavanje min. 5 osoba. Ukoliko investitor potražuje 42,000.00 KM (bez PDV-a) od strane projekta LIR, investicioni projekat treba rezultirati zapošljavanjem min. 7 osoba;
- Predloženi investicioni projekat će biti završen najkasnije do 30.11.2018. godine.

Prijave koje ne ispunjavaju prethodno pomenute kriterije projekat LIR neće uzeti u razmatranje.

U evaluaciji prijava, projekat LIR će također uzeti u obzir sljedeće **dodatne kriterije koji će se dodatno bodovati**:

- Predviđeni investicioni projekat će rezultirati zapošljavanjem većeg broja osoba od minimalno zahtijevanog;
- Nova investicija je planirana na području JLS koje su izrazito nerazvijene ili nedovoljno razvijene³⁴;
- Preduzeće investitor je pretrpilo štetu tokom poplava iz maja 2014. godine;
- Doprinos predviđenog uvođenja/unapređenja tehnološke opremljenosti integraciji inovacija u poslovanje;

³ Prema izvještaju o Socio-ekonomskim pokazateljima po općinama u FBiH u 2015. godini, izrazito nerazvijene JLS u FBiH su: Kupres, Teočak, Zavidovići, Drvar, Odžak, Jajce, Donji Vakuf, B.Petrovac, Ključ, Vareš, Domaljevac/Šamac, Glamoč, Pale, Foča, B.Grahovo, Dobretići.

Nedovoljno razvijene JLS u FBiH su: Velika Kladaša, Gornji Vakuf/Uskoplje, Stolac, Fojnica, Konjic, Bugojno, Olovo, Trnovo, Prozor, Sapna, Bosanska Krupa, Sanski Most, Maglaj, Ravno. Izvještaj dostupan na <http://www.fzpr.gov.ba/download/doc/Socioekonomski+pokazatelji+po+op%C4%87inama+za+2015.+godinu.pdf/03cff5c89936270c43c56a392735b8b4.pdf>

⁴ Prema odluci Vlade RS-a, nerazvijene JLS u RS-u za 2017. godinu su: Bratunac, Vlasenica, Donji Žabar, Kostajnica, Ljubinje, Nevesinje, Pelagićevo, Petrovac, Petrovo, Ribnik, Rogatica, Han Pijesak, Šamac i Šipovo. Izrazito nerazvijene JLS u RS-u su: Berkovići, Vukosavlje, Istočni Drvar, Istočni Mostar, Istočni Stari Grad, Jezero, Kalinovik, Kneževo, Krupa na Uni, Kupres, Lopare, Novo Goražde, Osmaci, Oštra Luka, Rudo, Srebrenica, Trnovo, Čajniče i Šekovići. Dostupno na: <http://www.vladars.net/>

- Predložena investicija ima obezbijeđeno dodatno finansijsko učešće drugih partnera (na primjer, zavodi za zapošljavanje, razvojne agencije i sl.);
- Investitor je obezbijedio sufinansiranje u iznosu većem od minimalno zahtijevanih 60% od ukupne vrijednosti investicionog projekta;
- Planirana investicija predviđa zapošljavanje žena, mladih, dugoročno nezaposlenih osoba, povratnika i raseljenih osoba te ostalih socijalno ugroženih kategorija stanovništva (preko 30% od ukupnog broja osoba koje će biti zaposlene);
- Nova investicija će doprinijeti rastu izvoza, odnosno izvoznoj orijentaciji firme investitora;
- Očekivani iznosi neto plata osoba koje će biti zaposlene kroz investicioni projekat⁵.

Način evaluacije i bodovanja prijava prema administrativnim i tehničkim kriterijima detaljno je opisan u dijelu 3.5.

2.3 Kategorizacija prihvatljivih troškova

Prilikom pripreme budžeta predloženih investicijskih projekata (uključujući i sufinansiranje), podnosioci prijedloga trebaju imati na umu da se u budžet mogu uključiti samo prihvatljivi troškovi, koji se odnose na predloženi projekat i nisu nastali prije datuma potpisivanja ugovora o dodjeli sredstava podrške od strane UNDP-a, u skladu sa ispod navedenom kategorizacijom.

Da bi troškovi bili prihvatljivi potrebno je da budu i) neophodni za implementaciju predloženog projekta; ii) realni i predviđeni budžetom; iii) opravdani i mjerljivi; i iv) nastali tokom implementacije projekta od strane MSP-a. Ova kategorizacija se odnosi kako na sredstva UNDP-a, tako i na sredstva osigurana iz budžeta MSP-a odnosno od strane projektnih partnera.

VAŽNA NAPOMENA: Podnosioci prijedloga investicijskih projekata koji obuhvataju građevinske radove (npr. uređenje poslovnih prostora) trebaju voditi računa o krajnjem vremenskom roku za njihovu realizaciju. Takvi projekti moraju biti kompletirani najkasnije do 31.10.2018. godine. Ukoliko se tokom verifikacije utvrdi da građevinski radovi ne mogu biti završeni do navedenog roka, takve prijave neće biti uzete u razmatranje. Investicijski projekti koji obuhvataju građevinske radove čija je realizacija u toku imaju pravo prijave na ovaj poziv, vodeći računa o iznad navedenom krajnjem roku za realizaciju te činjenici da nisu prihvatljivi troškovi koji su nastali prije datuma potpisivanja ugovora sa UNDP-om.

Prioritetna oblast 1.	Aktivnost	Prihvatljivi troškovi	Neprihvatljivi troškovi
-----------------------	-----------	-----------------------	-------------------------

⁵ Više detalja je dostupno u evaluacijskoj ljestvici na str. 16

Prioritetna oblast 1.	Aktivnost	<u>Prihvatljivi troškovi</u>	<u>Neprihvatljivi troškovi</u>
Tehnološko unapređenje MSP, unapređenje kvaliteta proizvoda i standardizacija poslovanja i proizvodnih procesa	<p>Ulaganje u materijalnu imovinu vezanu uz kupovinu novih tehnologija i opreme radi proširivanja djelatnosti ili uvođenja nove djelatnosti</p>	<ul style="list-style-type: none"> - Nabavka opreme za tehnološko unapređenje (računari, serveri i sl.); - Obuka za nove tehnologije u sklopu nabavljene opreme; - Unajmljivanje kratkoročnih eksperata za uvođenje novih postupaka; - Troškovi informatičko-komunikacijskih i audio/video rješenja (hardver) povezanih sa projektom; - Troškovi informatičko-komunikacijskih i audio/video rješenja (softver) povezanih sa projektom; - Nabavka патената, autorskih prava, znanja ili drugih vrsta intelektualnog vlasništva; - Posredni troškovi vezani za nabavku opreme (transportni troškovi, troškovi špedicije, carinjenja itd.); 	<ul style="list-style-type: none"> - Kupovina polovne opreme; - Kupovina ličnih vozila; - Međunarodna putovanja; - Sirovine i poluproizvodi.
	<p>Ulaganje u materijalnu i nematerijalnu imovinu vezanu uz investiciju proširenja MSP-a (proširenje objekata, rekonstrukcija, nadogradnja itd.)</p>	<ul style="list-style-type: none"> - Nabavka opreme u sklopu proširenja MSP-a; - Unajmljivanje kratkoročnih eksperata za proširenje MSP-a (nadzor, tehnički prijem, idejno rješenje i sl.); - Troškovi informatičko-komunikacijskih i audio/video rješenja (hardver) povezanih sa projektom; - Troškovi informatičko-komunikacijskih i audio/video rješenja (softver) povezanih sa projektom; - Trošak preuređenja, modernizacije zgrada, poslovnih prostorija i drugih objekata, direktno povezanim sa rezultatima projekta; - Posredni troškovi vezani za nabavku opreme (transportni troškovi, troškovi špedicije, carinjenja itd.). 	<ul style="list-style-type: none"> - Kupovina nekretnine; - Kupovina zemljišta; - Amortizacija dugotrajne imovine.
	<p>Diverzifikacija proizvodnje MSP-a i uvođenje novih proizvoda/usluga</p>	<ul style="list-style-type: none"> - Kupovina i transport opreme; - Troškovi informatičko-komunikacijskih i audio/video rješenja (hardver i softver) koji su direktno povezani s provedbom projektnih aktivnosti; - Troškovi vanjskih konsultanata; - Specijalizirana obuka za nove tehnologije/proizvodnju. 	<ul style="list-style-type: none"> - Kupovina polovne opreme i mašina; - Kupovina vozila; - Međunarodna putovanja; - Sirovine i poluproizvodi.

Prioritetna oblast 1.	Aktivnost	<u>Prihvatljivi troškovi</u>	<u>Neprihvatljivi troškovi</u>
	Uvođenje sistema upravljanja kvalitetom i međunarodnih standarda	<ul style="list-style-type: none"> - Finansiranje uvođenja standarda kvalitete i CE znaka (uključujući i angažman konsultanata, obuke uposlenih, nabavku opreme itd.); - Troškovi uvođenja softverskih rješenja. 	Troškovi dokumentacije koja nije neophodna za projekat.
	Vršenje usluga vezanih uz projekt od strane vanjskih konsultanata	<ul style="list-style-type: none"> - Troškovi vanjskih konsultanata koji nisu povezani s kontinuiranom ili periodičnom aktivnosti i koji se ne odnose na uobičajene troškove poslovanja preduzeća, kao što su rutinske usluge vezane uz porezno savjetovanje, redovne pravne usluge ili oglašavanje, no koje su direktno povezane s investicijskim projektom, a potrebni su za razvoj proizvoda ili tehnologija iz projektne prijave itd. 	<ul style="list-style-type: none"> - Međunarodna putovanja; - Troškovi koji nisu relevantni za implementaciju projekta.

Prioritetna oblast 2.	Aktivnost	<u>Prihvatljivi troškovi</u>	<u>Neprihvatljivi troškovi</u>
Prekvalifikacija i dokvalifikacija novih radnika radi postizanja višeg stepena produktivnosti i stvaranja radnih mjesta	Usavršavanje nove radne snage unutar MSP-a	<ul style="list-style-type: none"> - Trening i specijalizirane obuke; - Troškovi angažmana eksperta i predavača; - Troškovi radnih materijala za obuke; - Troškovi iznajmljivanja specijalizirane opreme neophodne za obuke; - Troškovi smještaja za nove radnike za koje je obuka organizovana u mjestu različitom od njihovog prebivališta ili troškovi smještaja za vanjske predavače koji obuku novim radnicima održavaju u mjestu različitom od mjesta u kojem ti predavači inače borave. - Putni troškovi za učesnike (unutar Bosne i Hercegovine). 	<ul style="list-style-type: none"> - Međunarodna putovanja; - Ostali troškovi koji nisu relevantni za implementaciju projekta.

Napomena:

Troškovi bankovnih garancija, kako je objašnjeno u sekciji 1.4., su prihvatljivi troškovi, koji se mogu finansirati isključivo iz vlastitog sufinansiranja.

Korisnik sredstava će biti dužan pravdati trošak ukupnih sredstava predviđenih za realizaciju projekta, kako vlastitih tako i sredstava UNDP-a.

Pravdanje će se vršiti sa odgovarajućom dokumentacijom, čiji datumi mogu biti samo poslije datuma potpisivanja Ugovora. Za sva neopravdana sredstva UNDP će pokrenuti proceduru povrata sredstava.

Ostali neprihvatljivi troškovi:

- Troškovi zaposlenika (plate);
- Nadoknade za projektne partnere koji su angažirani na implementaciji aktivnosti;
- Dugovanja i rezerve za gubitke;
- Dugovanja po kamati;
- Troškovi režija i održavanja (voda, struja, grijanje, komunalni otpad, telekomunikacije, upravljanje zgradom, internet i sl.);
- Kupovina, obnova, rekonstrukcija, modernizacija objekata za ličnu upotrebu;
- Kupovina, obnova, rekonstrukcija, modernizacija objekata za najam ili prodaju;
- Izvršavanje radova ili osiguravanje robe, usluga, zemljišta i nekretnina za koje nije izvršeno plaćanje u gotovini, potkrijepljeno računima ili dokumentima iste dokazne vrijednosti;
- Doprinosi za dobrovoljna zdravstvena ili mirovinska osiguranja koji nisu obavezna prema zakonodavstvu;
- Kazne i troškovi sudskog spora;
- Plaćanja neoporezivih bonusa zaposlenima;
- Bankovni troškovi za otvaranje i vođenje računa, naknade za finansijske transfere i drugi troškovi u potpunosti finansijske prirode;
- Kamate;
- Trošak police osiguranja imovine (uključuje i imovinu nabavljenu iz projekta);
- Ostali troškovi nespomenuti kao prihvatljivi;
- Studijske posjete;
- Stavke već finansirane u sklopu nekog drugog projekta;
- Kupovina i iznajmljivanje zemljišta i postojećih zgrada;
- Troškovi konverzije, nadoknada ili gubici prilikom konverzije valuta;
- Kreditiranje trećih osoba.

Napomena: Budžet koji uključuje neprihvatljive troškove se neće smatrati validnim te prijava neće biti dalje razmatrana.

3. NAČINI PODNOŠENJA PRIJAVA I NJIHOVA EVALUACIJA

Prijave za podršku trebaju biti dostavljene u formi koju propisuje ovaj poziv, uključujući sve tražene priloge.

Evaluacija prijava će se vršiti u dva koraka, pri čemu je prvi provjera ispunjenosti **administrativnih, kvalifikacionih kriterija i obaveznih kriterija**, a drugi **tehnička evaluacija** u odnosu na postavljene kriterije.

3.1 Obrazac prijedloga

Prijava treba da sadrži sljedeće dokumente:

- 1. ISPRAVNO POPUNJEN PRIJAVNI OBRAZAC (PRILOG I) – ORIGINAL;**
- 2. PROJEKTNI BUDŽET U TRAŽENOM FORMATU (PRILOG II) – ORIGINAL;**
- 3. PISMO NAMJERE SA PLANIRANIM IZNOSOM SUFINANSIRANJA (PRILOG III) – ORIGINAL;**

4. LISTA ZA PROVJERU (PRILOG IV) - *ORIGINAL*;
5. PISMO NAMJERE U KOJEM ĆE JLS (OPŠTINA/OPĆINA ILI GRADSKA UPRAVA) ISKAZATI INTERES ZA PODRŠKU REALIZACIJI PREDLOŽENE INVESTICIJE (*UKOLIKO JE RELEVANTNO*) – *OBIČNA KOPIJA*;
6. IZJAVA O PARTNERSTVU (SA ZAVODOM ZA ZAPOŠLJAVANJE, RAZVOJNOM AGENCIJOM ILI DRUGIM PARTNERIMA NA PROJEKTU) *UKOLIKO JE RELEVANTNO* – *OBIČNA KOPIJA*;
7. KOPIJA REGISTRACIJE PREDUZEĆA (PRVA I POSLJEDNJA REGISTRACIJA) – *OBIČNA KOPIJA*;
8. KOPIJE FINANSIJSKIH IZVJEŠTAJA ZA POSLJEDNJE DVIJE GODINE (2016. I 2017.) POTPISANIH OD STRANE OVLAŠTENOG RAČUNOVOĐE. IZVJEŠTAJI TREBA DA UKLJUČUJU IZVJEŠTAJ O PRIHODIMA, BILANS STANJA I IZVJEŠTAJ O PROTOKU NOVCA, UKOLIKO SU DOSTUPNI – *OVJERENA KOPIJA*;
9. PORESKA UVJERENJA O IZMIRENIM OBAVEZAMA (DIREKTNI I INDIRECTNI POREZI) NE STARIJA OD 3 MJESECA OD DATUMA PODNOŠENJA PRIJAVE – *ORIGINAL ILI OVJERENA KOPIJA*;
10. POTVRDA/PRIJAVA O PRETRPLJENOJ MATERIJALNOJ ŠTETI OD POPLAVA IZ MAJA 2014. GODINE– IZDATA OD JLS ILI DRUGE NADLEŽNE INSTITUCIJE (UKOLIKO JE MSP PRETRPJELO ŠTETU) – *OBIČNA KOPIJA*;
11. VAŽEĆU GRAĐEVINSKU DOZVOLU/POTVRDU GLAVNOG PROJEKTA ZA PROJEKTE KOJI UKLJUČUJU GRAĐEVINSKE RADOVE - UKOLIKO JE RELEVANTNO – *OBIČNA KOPIJA*;
12. SPISAK UPOSLENIH U PREDUZEĆU – INVESTITORU OVJEREN OD STRANE NADLEŽNE PORESKE UPRAVE SA DATUMOM IZDAVANJA IZ PERIODA TRAJANJA OVOG JAVNOG POZIVA – *ORIGINAL ILI OVJERENA KOPIJA*;
13. KOPIJA STANDARDA KVALITETA I CERTIFIKATA (NPR. ISO, CE ITD.), UKOLIKO POSTOJE – *OBIČNA KOPIJA*.

Prijave se podnose na jednom od službenih jezika Bosne i Hercegovine. Rukom pisani prijedlozi neće biti prihvaćeni. Nepotpune prijave se neće uzeti u razmatranje.

3.2. Način iskazivanja interesa

Popunjen obrazac prijedloga, budžet i prateću dokumentaciju potrebno je dostaviti u jednom (1) originalnom primjerku i jednoj (1) kopiji, u A4 formatu, uvezane sa numerisanim stranicama. Također, kompletnu projektnu dokumentaciju (u zip formatu) je potrebno dostaviti i u elektronskoj formi, na CD-u, ili USB memorijskoj kartici.

Na koverti je potrebno naznačiti naziv poziva za iskazivanje interesa za koji se aplicira: „**Poziv investitorima za iskazivanje interesa za realizaciju novih investicija u 2018. godini uz podršku projekta „Lokalni integrisani razvoj“**“. Nadalje, na koverti je potrebno naznačiti i puni naziv i adresu podnosioca prijave, te naglasiti slijedeće: „**NE OTVARATI PRIJE ZVANIČNOG OTVARANJA**“.

Prijave moraju biti dostavljene u zatvorenoj koverti preporučenom poštom, kurirskom poštom ili lično (potpisana i datirana potvrda će biti dodijeljena licu koje lično dostavi prijavu) na sljedeću adresu:

Razvojni program Ujedinjenih nacija (UNDP)
Projekat „Lokalni integrisani razvoj“
UN HOUSE
Zmaja od Bosne bb
71 000 Sarajevo

Prijave dostavljene drugim putem (npr. putem faksa ili e-maila), neće biti uzete u razmatranje.

3.3. Krajnji rok za iskazivanje interesa

Krajnji rok za podnošenje prijave je četvrtak, **05. juli 2018. godine do 17:00 sati**, što potvrđuje datum na otpremnici, poštanski žig ili priznanica. Prijave se mogu dostaviti i lično. Prijave podnesene nakon isteka roka se neće uzeti u razmatranje.

3.4. Dodatne informacije

Sva dodatna pitanja u vezi ovog poziva se mogu dostaviti putem elektronske pošte, najkasnije u roku od **7 dana** prije isteka roka za podnošenje prijave, sa jasno naznačenim imenom poziva u predmetu poruke, i to na sljedeću e-mail adresu: registry.ba@undp.org.

Svi odgovori na pitanja koja mogu biti relevantni i za ostale podnosiocima prijave, redovno će se objavljivati na web stranici UNDP-a: <http://www.ba.undp.org/>.

3.5. Evaluacija i odabir

Podnesene prijave će provjeravati i ocjenjivati Komisija za evaluaciju, sastavljena od imenovanih predstavnika UNDP-a i vanjskih stručnih članova.

Sve dostavljene prijave će se ocjenjivati u dva koraka, u skladu sa ispod propisanim kriterijama, pri čemu je prvi korak eliminatoran, dok se u drugom koraku ocjenjuje kvaliteta podnesenog prijedloga te kapaciteti MSP-a za njegovu realizaciju.

KORAK 1. OTVARANJE PRISTIGLIH PRIJAVA I PROVJERA NA OSNOVU ADMINISTRATIVNIH, KVALIFIKACIONIH I OBAVEZNIH KRITERIJA

U sklopu prvog koraka, po prijemu i otvaranju prijave, ocjenjuju se sljedeći elementi:

- Da li je prijedlog dostavljen u utvrđenom roku. Ukoliko nije, isti se automatski odbija.
- Da li prijedlog ispunjava sve **administrativne, kvalifikacione i obavezne kriterije** navedene u listi ispod. Ukoliko ne zadovoljava i ukoliko je odgovor na jedno od pitanja ispod „NE“, prijedlog projekta neće biti dalje razmatran.

I. ISPUNJENOST ADMINISTRATIVNIH, KVALIFIKACIONIH I OSNOVNIH KRITERIJA		
a) Administrativna evaluacija	DA	NE
Ispunjen prijavni obrazac		
Popunjen budžet u traženom formatu koji uključuje minimalni iznos za sufinansiranje		
Potpisano pismo namjere o minimalnom iznosu sufinansiranja		
Ispunjena lista za provjeru		
Priloženo pismo namjere o učešću JLS – <i>ukoliko je relevantno</i>		
Popunjena i potpisana izjava o partnerstvu – <i>ukoliko je relevantno</i>		
Kopija registracije preduzeća (prva i posljednja registracija)		
Kopija finansijskih izvještaja za posljednje dvije godine (2016. i 2017.)		
Poreska uvjerenja o izmirenim obavezama (direktni i indirektni porezi) ne starija od tri mjeseca od datuma podnošenja prijave		
Potvrda/prijava o pretrpljenoj materijalnoj šteti od poplava iz maja 2014. godine – izdata od JLS ili druge nadležne institucije (<i>ukoliko je MSP pretrpjelo štetu</i>)		
Građevinska dozvola/potvrdu glavnog projekta (ukoliko je relevantno)		
Spisak uposlenih u preduzeću - investitoru		

Kopija standarda kvaliteta i certifikata (npr. ISO, CE itd.) (ukoliko je relevantno)		
b) Ispunjenost kvalifikacionih kriterija	DA	NE
Preduzeće investitor je ostvarilo pozitivne poslovne rezultate u 2016. i 2017. godini		
Preduzeće investitor redovno izmiruje obaveze po osnovu poreza i drugih davanja, uključujući i one prema uposlenicima (direktni i indirektni porezi)		
Preduzeće investitor je registrovano privredno društvo na području Bosne i Hercegovine koje će biti predmet investicije koja će biti registrovana u partnerskim JLS; ili da investitor planira da proširi svoju djelatnost kroz otvaranje poslovne jedinice ili osnivanje novog pravnog lica na drugom lokalitetu, odnosno na teritoriji jedne od partnerskih JLS; ili da investitor ima ugovor o kupovini ili zajedničkom ulaganju u postojeće privredno društvo na području Bosne i Hercegovine; ili da postoji neki drugi pravno vezujući ugovor koji je osnova za planirano investiranje		
c) Ispunjenost obaveznih kriterija	DA	NE
Planirana investicija se odnosi isključivo na IT sektor		
Planirana investicija će biti realizovana na teritoriji jedne od partnerskih JLS		
Investitor je obezbijedio finansijska sredstva za sufinansiranje projekta u minimalnom iznosu od 60% ukupne investicije		
Predložena investicija će omogućiti proizvodnju proizvoda/usluga sa visokim stepenom dodatne vrijednosti		
Planirana investicija će u toku trajanja projekta (do 30. novembra 2018. godine) obezbijediti zapošljavanje minimalno 5 osoba u IT sektoru, usklađeno sa traženim iznosom sufinansiranja. Pojašnjena radi, ukoliko investitor potražuje 30,000.00 KM (bez PDV-a) od strane projekta LIR, njegov investicioni projekat treba obezbijediti zapošljavanje min. 5 osoba. Ukoliko investitor potražuje 42,000.00 KM (bez PDV-a) od strane projekta LIR, investicioni projekat treba rezultirati zapošljavanjem min. 7 osoba		
Predloženi investicioni projekat će biti završen najkasnije do 30.11.2018. godine		

KORAK 2. EVALUACIJA PRIJEDLOGA

Evaluacija prijava koje su prošle administrativnu provjeru uključuje ocjenu relevantnosti, učinkovitosti te održivosti, a sve u skladu sa kriterijima za ocjenjivanje predstavljenim u nastavku.

Evaluacijska ljestvica

Dodatni kriteriji	Maksimalan broj bodova
Predviđeni investicioni projekat će rezultirati zapošljavanjem većeg broja osoba od minimalno zahtijevanog ⁶ :	30 40

⁶ Minimalno zahtijevani broj uposlenika je vezan za iznos sufinansiranja kako je objašnjeno u sekciji 1.4. Primjera radi, ukoliko podnosilac prijave zahtijeva od projekta LIR iznos od 42,000.00 KM, a projektom predviđi upošljavanje 10 osoba, takva prijava će dobiti dodatnih 35 bodova (7 osoba je minimum za traženi iznos sufinansiranja X 6,000.00 KM = 42,000 KM + 3 dodatne osobe)

<ul style="list-style-type: none"> - Od 2 do 3 osobe; - od 4 do 5 osoba; - Preko 6 osoba. 		60
Nova investicija je planirana na području JLS koje su izrazito nerazvijene ili nedovoljno razvijene		40
Preduzeće investitor je pretrpilo štetu u poplavama iz maja 2014. godine.		10
Doprinos predviđenog uvođenja/unapređenja tehnološke opremljenosti integraciji inovacija u poslovanje: <ul style="list-style-type: none"> - Predložena investicija neće doprinijeti integraciji inovacija u poslovanje preduzeća - Predložena investicija će u ograničenoj mjeri doprinijeti integraciji inovacija u poslovanje preduzeća - Predložena investicija će značajno doprinijeti integraciji inovacija u poslovanje preduzeća i imat će značajan uticaj na jačanje tržišne pozicije preduzeća investitora 		0 15 30
Predložena investicija ima obezbijeđeno dodatno finansijsko učešće drugih partnera (na primjer, zavodi za zapošljavanje, razvojne agencije i sl.);		20
Investitor je obezbijedio sufinansiranje u iznosu većem od minimalno zahtijevanih 60% od ukupne vrijednosti investicionog projekta: <ul style="list-style-type: none"> - Od 61% do 70%; - Od 71% do 80%; - Preko 81%. 		10 20 30
Planirana investicija predviđa zapošljavanje žena, mladih, povratnika i raseljenih osoba te ostalih socijalno ugroženih kategorija stanovništva (preko 30% od ukupnog broja osoba koje će biti zaposlene)		40
Preduzeće investitor je izvozno orijentisano, odnosno nova investicija će doprinijeti rastu izvoza		40
Očekivani iznosi neto plata ⁷ za osobe koje će biti uposlene kroz investicioni projekat: <ul style="list-style-type: none"> - Od 700 KM do 899 KM - Od 999 KM do 1099 KM - Od 1100 KM do 1399 KM - 1400 KM i više 		0 10 20 30
Maksimalan broj bodova:		300

Nakon ocjenjivanja prijedloga u skladu sa navedenim kriterijima, definira se rang lista u skladu sa ostvarenim brojem bodova. Projekat LIR neće uzeti u obzir prijedloge koju imaju manje od 100 bodova. U slučaju da dva ili više prijedloga projekata imaju isti broj bodova, prednost će se davati projektima koji će kreirati veći broj radnih mjesta.

⁷ U iznos neto plate je potrebno uključiti i topli obrok, zajedno sa naknadom za prevoz (ukoliko se isplaćuju)

4. OBAVIJEST O REZULTATIMA POZIVA ZA ISKAZIVANJE INTERESA

Aplikanti će biti pismeno obaviješteni o rezultatima poziva.

Predviđeni indikativni vremenski okvir za provedbu procesa odabira je sljedeći:

AKTIVNOST	DATUM
Objava poziva	14.06.2018. godine
Krajni rok za dodatne upite i pojašnjenja	29.06.2018. godine
Rok za podnošenje prijedloga	05.07.2018. godine
Obavijest o konačnim rezultatima poziva	15.07.2018. godine
Potpisivanje ugovora sa odabranim MSP-ovima	Tokom jula 2018. godine

Nakon odluke o dodjeli sredstava po osnovu ovog javnog poziva, odabranim MSP-ovima će se na potpis dostaviti Sporazum o saradnji, u skladu sa UNDP-ovim pravilima, u kojem će se definisati finansijske obaveze te rokovi realizacije samog projekta.